



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

XIV. Bischof Gardolph von Halberstadt überträgt die Schirmvogtei über das Kloster Hillersleben dem Grafen Otto von Erxleben, im Jahre 1197.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

XIII. Graf Dieterich von Wichmannsdorf überläßt dem Kloster Hillersleben eine dem Abt Irminhart vertauschte Mühle, am 16. Mai 1162.

In n. s. et ind. Tr. Universalis ecclesie fidelibus in perpetuum. Nos theodericus, Dei gracia Comes de wichmanstorp, notum esse cupimus tam presentibus quam futuris, quod ab ecclesia hildesleue temporibus domini irminhardi, abbatis secundi loci eiusdem, regentibus nobis ipsam ecclesiam in advocatie officio, sub quadam permutationis forma, receptis quibusdam bonis, V videlicet mansis in drakenstede maiori, VI in hildesleue et uno in arxleue, molendinum in nendorp, quod ad uxorem nostram berchtam ex parte parentum suorum iure hereditario fuerat devolutum, cum omnigenis vtilitatibus, scilicet piscacionibus, viis et inviis, aquarum decursibus vsque ad vadum heddingi vicissitudine reciproca, tam nobilium quam ministerialium aliorumque testimonio fidelium, tytulo proprietatis perpetue, secundum quod molendinum presatum possederamus, memorate ecclesie duximus conferendum. Igitur in huius rei robur validum et evidens testimonium testes ydoneos, quorum nomina sunt hec: haoldus et bruno de gerfleue, bernardus cum filio suo frederico, gheuehardus de meseberch, meynardus de wederig, rothardus et ludigerus de haldesleue huic pagine inscribi fecimus, nostrique sigilli impressione ipsam decreuimus firmiter roborari. Datum anno Dni. M^o. C^o. LXII^o., Indict. VIII. Actum nendorp, XVII. kal. iunii, in nomine domini filiciter amen.

Cap. I, fol. 15.

XIV. Bischof Gardolph von Halberstadt überträgt die Schirmvogtei über das Kloster Hillersleben dem Grafen Otto von Grieben, im Jahre 1197.

In nomine sancte et individve Trinitatis. Gardolfvs, dei gratia Halberstadenfis episcopus in perpetuum. Officii nostri debitum exigit, quatinus ea, que circa ecclesias nobis in anima commissas per Dei ordinationem a fidelibus prouide geruntur, nostre firmitatis munimine contra varios futurorum incurfus adeo roboremus, ut rata jugiter in suo vigore consistant ac robore nec ullum contradictionis obstaculum a malorum temeritate sentire valeant in futurum. Vnde tam presentibus quam posteris notum esse volumus, qualiter ecclesia in Hildesleue ab indebita Berengeri Comitis oppressione, qui ipsius loci aduocaciam contra jus et debitum sibi vendicauerat, importune per dei gratiam fuerit absoluta. Cum idem Comes in Germerfleue Domino predecessori felicis memorie Theodorico Episcopo in presentia venerabilis Domini Wichmanni, sancte Magdeburgensis ecclesie Archiepiscopi, et dilectorum fidelium nostrorum Bernardi, Ducis Saxonie, de donis Comitis ibidem iudicio presidentis *) et aliorum multorum terre nobilium de injuriis et contemptu sibi exhibito satisfactorius occurrisset, predictus Episcopus ejus fa-

*) Diesen Satz enthält auch das Copialbuch gleichlautend.

tiffactionem acceptare renuit, quin prius Hildesleuensi ecclesie priuilegium, quod uolenter ipse rapuerat, in presenti restitueret coram omnibus exhibendum, quod cum ab ipso Comite restitutum et in omnium fuisse audientia prelectum, dictante principum et Baronum terre et omnium ibi collectorum communi sententia, per ipsius priuilegii testimonium omnis iurisdictione, quam in loco predicto sibi uolenter usurpauerat, abjudicata fuit eidem et ipse cum uxore sua Berta et Ottone, filio legitimo, herede suo, omni prorsus actioni, quam contra ecclesiam haecenus habuerat, absolute renunciauit. Cum igitur adhuc eo uivente et aliquanto tempore post ejus obitum Aduocato caruisset monasterium memoratum, nos prouida consideratione pensantes, quis eidem tutor utilis prefici posset et ydoneus, mediante prudentum consilio dilectum filium nostrum Abbatem et fratres suos qui secundum priuilegii sui tenorem aduocatum eligendi liberam facultatem habebant, ad hoc induximus, quod Ottonem Comitem de Gribene, predicti Berengeri Comitis filium, pro nostra petitione et consilio sibi elegerint Aduocatum sub hac forma, quod si forte ecclesie vel hominibus ad eam pertinentibus grauis et importunus existeret, in abbatis et fratrum esset arbitrio et potestate nobis adhibitis et consultis eo remoto quemlibet alium in loco ejus ydoneum et utilem subrogare. Aduocatiam itaque predictam ipsi Comiti in anima sua et peccatorum remissione commisimus in hunc modum, quod coram nobis et multis aliis testibus ydoneis omni penitus actioni, quam in quacunque contra ecclesiam uidetur habere, simpliciter et absolute renunciatis in uerbo fidei promisit, quod nulla unquam occasione sollicitaret aut molestaret idem Cenobium neque preter uoluntatem abbatis et consensum exactionem seu petitionem in ipsa aduocacia faceret, sed locum eundem et homines ad eum pertinentes pro anime sue remedio spe remunerationis diuine protegeret in omnibus et foueret, Ceterum ut ecclesia sepedicta indulgentia et libertate in ueteri priuilegio sibi concessa quiete gaudeat in perpetuum et ut hujus nostre constitutionis ordinatio rata iugiter et inconuulsa permaneat banni nostri confirmatione roboramus et presentem paginam inde conscriptam sigilli nostri impressione communimus. Qui autem ausu temerario eam calumpniari seu uiolare presumpserit, sub invocatione tremendi examinis dei apostolorum petri et pauli et omnium sanctorum attestacione excommunicationis perpetue uinculis innodamus. Testes hujus facti sunt Volradus Hildesleuensis abbas, Conradus Halberstadenensis ecclesie major prepositus, Wernerus decanus, Borchardus de Sladem archidiaconus in Isleue. Laici: Henricus Comes de Regensten, Sifridus Comes de Blankenborch, frater ejus, Bruno de Jerseue, Bruno de Wellen, Wipertus de Euendorp, Marquardus et Albertus de Olenstede, Geuehardus de Aluensleue, Heinricus de Eilenstede, Theodericus de Someringen, Otto de Wederingen, Eggehardus de Osterhufen, Ludolfus de Colbiz, Borchardus de Stenuorde, Bernhardus de Hildesleue et alii quam plures. Acta sunt hec in Euendorp, presidente ibidem iudicio Ottone, Comite de Valkensten, anno dominice incarnationis M^o. C^o. XC^o. VII^o., presidente sancte romane ecclesie Celestino Papa tertio, nostre consecrationis anno quarto.